

UNIVERZITET U TUZLI

Broj: 01-7414-2/23

Tuzla, 28.12.2023. godine

Predmet: Zahtjev za dostavu ponude

Univerzitet u Tuzli poziva sve zainteresovane pravne subjekte da dostave svoje ponude za davanje u zakup prostora za postavljanje 9 (devet) samouslužnih aparata za tople i hladne napitke, sendvičke i peciva u objektima Univerziteta u Tuzli u površini od cca 2 m² / po jednom aparatu. Prostori se nalaze unutar Univerziteta na 9 lokacija. Usluge se pružaju isključivo studentima i zaposlenicima Univerziteta u Tuzli.

Prostor se daje u zakup na period od 4 (četiri) godine računajući od dana zaključivanja ugovora.

Početna cijena zakupnine po jednom aparatu je 100,00 KM plus PDV-e mjesečno. Ponuđeni topli napitci, najmanje 50 % toplih napitaka, moraju imati cijenu 0,80 KM po jednom napitku.

Cijene trebaju biti iskazane broičano i slovima.

Ponude će se vrednovati po principu cjenovno najpovoljnije, odnosno ponuda sa najvišom ponuđenom mjesečnom cijenom zakupnine smatrat će se najpovoljnijom.

Uz ponudu sa navedenom cijenom zainteresovani ponuđači dužni su dostaviti slijedeće dokumente:


1. Izvod iz sudskog registra ili Rješenje o obavljanju djelatnosti iz kojeg se vidi da je zainteresovani subjekt registrovan za obavljanje vrste djelatnosti iz javnog poziva;
2. Izjavu da odgovorno lice nije osuđivano u sudskom postupku u smislu njegovog poslovnog ponašanja u periodu od 5 godina koji je prethodio periodu prije podnošenja ponude;
3. Izjavu da zainteresovani ponuđač izmiruje obaveze po osnovu PIO/MIO i zdravstvenog osiguranja;
4. Izjavu da zainteresovani ponuđač izmiruje obaveze u vezi sa plaćanjem poreza
5. Izjavu ponuđača da posjeduje svu potrebnu tehničku i drugu opremu potrebnu za obavljanje djelatnosti za koju se ponuda odnosi i
6. Cjenovnik ponuđenih proizvoda.

Dokumenta iz tačke 1. dostaviti u originalu ili ovjerenoj fotokopiji. Dokumenti iz tačke 2., 3., 4., 5. i 6. trebaju biti ovjereni pečatom firme i potpisom odgovorne osobe. Ponude pripremljene u skladu sa potrebnom dokumentacijom, potrebno je dostaviti u roku od 14 dana od dana objavljivanja u dnevnom listu „Dnevni avaz“ a najkasnije do 12.01.2024. godine do 12,00 sati na adresu: dr. Tihomila Markovića br. 1 (pisarnica) sa naznakom „Ponuda za davanje u zakup prostora za postavljanje 9 (devet) samouslužnih aparata u objektima Univerziteta u Tuzli NE OTVARAJ – otvara Komisija“. Javno otvaranje pristiglih ponuda održaće se 12.01.2024. godine u 12:30 u prostorijama Rektorata Univerziteta u Tuzli.

Univerzitet u Tuzli ne snosi troškove ponuđača u postupku ovog nadmetanja, te zadržava pravo da poništi cijeli postupak, ne izvrši izbor najpovoljnijeg ponuđača ili odbije sve ponude u bilo koje vrijeme prije zaključivanja ugovora.

Dodatne informacije za ponuđače:

- Sa odabranim ponuđačem Univerzitet u Tuzli će zaključiti Ugovor o zakupu poslovnog prostora na period od četiri godine računajući od dana zaključenja ugovora, s tim da se zakupnina neće plaćati za vrijeme trajanja kolektivnog godišnjeg odmora;
- Odabrani ponuđač je obavezan da prostor koristi isključivo za postavljanje samouslužnih aparata za tople i hladne napitke, sendvičke i peciva s tim da je ponuđačima data i mogućnost da pored ovih aparata mogu postaviti i tzv. snack automate sa drugim proizvodima;
- Odabrani ponuđač je dužan zakupljeni prostor koristiti s pažnjom dobrog domaćina, te poštovati kućni red i opšte akte Univerziteta u Tuzli kojima su utvrđene mjere zaštite na radu i protivpožarne zaštite;
- Odabrani ponuđač će biti obavezan da Univerzitetu u Tuzli na ime zakupnine plaća mjesečnu naknadu do 05-og u mjesecu za tekući mjesec;
- Odabrani ponuđač nije obavezan da snosi troškove stvarne potrošnje električne energije;
- Za vrijeme trajanja zakupa ponuđač ne može zakupljeni prostor izdavati u podzakup trećem licu, niti vršiti bilo kakve izmjene prostora bez saglasnosti Univerziteta u Tuzli;
- Odgovornost za tehničku ispravnost aparata snosi ponuđač; servisiranje aparata omogućeno je na svih 9 lokacija radnim danom u vremenu od 09:00 do 15:00 sati.
- Sve štete koje radnjama ponuđača nastanu u zakupljenom prostoru i na imovini Univerziteta u Tuzli kao i štete koje u korištenju prostora ponuđač prouzrokuje trećim licima, dužan je izmiriti ponuđač;
- Ponuđač i Univerzitet u Tuzli će zapisnički konstatovati stanje zakupljenog prostora prije početka i nakon isteka zakupa po zaključenom Ugovoru, s tim što je ponuđač dužan po isteku zaključenog ugovora Univerzitetu u Tuzli predati zakupljeni prostor u stanju u kojem je započeo njegovo korištenje.



REKTOR

Nermina Hadžigrahić
dr. sc. Nermina Hadžigrahić, red. Prof.